

賦詩律

五山集  
仁







內閣校正

五山集

艸溪重刊



正宗大王庚戌十二月十二日

顯隆園舉動還宮時

傳曰古僉正車天輅墓在縣東云

文章之外且有殊勞年前搜訪遺

集尚在閣中今內閣斯速入印其

子孫令該曹訪問以啓



五山集卷之一目錄

古賦

木奴

五言古詩

橘中對碁

願作冷秋菰

七言古詩

上天明楊御史

錫

應製

次駕鶴樓韻

感君恩引贈石峯



龍梭

題韓石峰所藏龍虎障子歌

敬憲公祠宇詩

五言絕句

書畫板

喜逢文生舊知醉贈

文生遠寄和詩因用其韻寄將

次春曉韻

六言絕句

六月十二日午飲



七言絕句

書贈山人雪鑑

秋思

醉吟二首

九月四日朝起

有所思

邊鴈

九月九日奉寄沈學士

光世

覽懋文殊寺

再逢



大殿元日迎祥詩

用龍灣舊韻奉呈月沙相公

二月二十日以開冰之漢上

遣興示通津倅

大殿春帖子

青莎牧笛

次石洲韻

贈楓岳上人

立春帖子及迎祥詩居首蒙

賜黑角弓二張

五律



夜吟二首

追次李子敏韻二首

遣懷

追次五峰秋字韻二首

金陵道中

八月十七日晨坐用老杜秦州雜詩韻十五首

與浙人張龍同舟

客懷

夜讀

春帖子



駕鶴樓次五峰韻

九月與諸君登後峰

大殿春帖子

大殿迎祥詩

中殿春帖子

大行王妃挽二首

尋李正郎幽居

偶題

健元陵

昇天府晚渡



客懷奉示沈太守

春雪

上文殊寺

挽人

奉謝芝峯詞伯見枉闕展對

南復始見過求詩

奉次芝峰辱贈韻二首

再疊

遣懷

次贈羅子升二首



贈五臺山上院寺僧

獨吟



五山集卷之一

古賦

近城車天輅復元著

木奴賦

客有讀古史氏者曰古人云居之一歲種之以穀十  
歲種之以木百歲來之以德又曰黃金滿籬不如教  
子一經若余者無德以來之無經以教之欠箕裘之  
業錢堂構之基惟有江頭木奴數千可以爲後世之  
遺惟爾子若孫當以取足扞衣食其夜夢有數千丈  
夫偃蹇形神蒼然氣色于于而來離立而即怒氣勃  
勃欲吐若有不自得口不能言請對以臆粵若古之



人咸有取於百卉或以色相或以臭味松栢之勁直  
禮記比德於君子芝蘭之馨香騷人托興於賢士蓮  
隱逸以濯水菊俊傑以凌霜國老甘草將軍大黃至  
若余者璇樞之精歲星之英坐南國而不遷稟烈氣  
而堅貞荊州錫貢著於禹書之記度淮爲枳見於周  
禮之誌屈子指於楚頌郭璞載於海經會而不剖敬  
君賜之晏嬰受而拜之恩稽古之桓榮樂不減於商  
顏二叟仙基不敢嘗而遺母陸績奇兒長價李文饒  
之賦增光庾子山之詩相如賦上林之盧周穆食瑤  
池之白合懽異唐皇之蓬萊愈病訝蘇耽之仙鶴經



霜未熟右軍奉帖於三百斫皮半空左慈銜術於幾  
千嘉不取之虞愿美納直之柳玼病則子美歎生意  
之少珍則東坡詠羅帕之分驚射覆鎮西之客怪寄  
書洞庭之君是以江陵千樹衡岳萬株富等千戶色  
並三珠莊叟論其可口子美詠其分金莫不雋我之  
味剖我之心獨奈何夫子之蒿目反以木而奴之昔  
匠伯至於曲轅不顧櫟社之支離然名之以散木則  
櫟社樹見愛而有辭謬予后皇嘉樹乃東南之美者  
目以蒼頭者奚吾深有憾於夫子也主人曰唯唯否  
否子不聞乎柳子愚其溪鄭人愚其谷西極之水爲



弱南方之川為惡而况演洪範九疇之聖佯狂為奴  
得一諾千金之賢髡笄為奴任安為挾馬之僕青  
為食馬之奴詞人命楚騷以奴僕天子指處士以狂  
奴然而號之者不以為嫌受之者不以為辱今子乃  
惡是名豈欲爭衡於百木之長松柏非我敢辱子以  
輿儻乃欲借資而徼福况我乏程鄭數百之家僅無  
以為子孫之業故蹇屈吳楚之諸君以備年年之取  
給不然乘梓必敬詩人歌之丘木不斬禮書錄之雖  
我子孫之賈賈何敢於子奴虜使之於是丈夫有一  
人揚眉盱衡正襟獵纓抵掌頓脚重為之揚擢子言



則然余亦有說昔者平仲書楹之戒德公遺安之意  
不治垣屋者豈非鄼文侯之深智清白傳家者乃是  
楊伯起之高義疏太傅不以數百金立產業恐爲後  
葉之累忠武侯雖以八百桑留成都詎計可居之利  
然則古之遺子孫者以德不以木以經不以奴明矣  
今子徒知取衣食爲利不知教德經爲貴昔者不韋  
家僅萬餘無救遷蜀而苑季倫僅僕千人何補奴輩  
利財若然則刁間之奴未爲益王褒之僮未爲災矧  
我山中數千丈夫安肯怲怲俛俛於夫子之弱子孱  
孫者哉祖龍封松蒼髯必不欲也王績官石雲根必



不顧也彼雖加之以大夫之名猶且不屑就之而况  
僕隸之賤賤者且夫子苟欲以我輩爲君子孫之計  
者無寧友之云爾何必辱之以奴隸然後爲得也子  
獨不聞乎草木爲我儔歌詠乎李謫仙草木是親情  
篇章乎盧玉川豈有登白玉之盤爲王公之羞者甘  
心服役於臧獲之下賤無奈子徒聞魚婢鴈奴之稱  
乃待我之淺斟主人於是神茹色紫愀惘靡徙強顏  
而謝慙然而愧曰余旣言耄妄有所論古語不誣利  
令智昏只知以子爲利不料以子爲辱微子之談余  
何能穀其始自今無復云云豈敢曰木奴當更曰木



君丈夫者欣然而去主人乃欠伸而已

五言古詩

橘中對碁

代人月課

南國有皇樹受命生不移何人種成實手摘秋黃垂  
一箇大於甕咄嗟兩剖之其中有何物偶坐冰霜姿  
手談對為刳三百羅枯碁謂言橘中樂不減商顏時  
斯須忽飛去碧落雲遙迤見者但瞠目欲問知爲誰  
乃知仙與佛神化無不爲錐末納世界芥子藏須彌  
塵中一天地鼎裏雙娥曦偉哉兩仙翁妙斂造物兒  
玉顏長自春甲子誰復知靜坐間日月上清歸去蓬



不知爛柯者人世幾回悲

願作冷秋菰

月課

祝融出甬訛火龍爲前驅炎官煽威烈看日燒天衢  
熟爍毒太苦六合猶烘爐不知襦襪子觸冒爭奔趨  
謇予怯酷吏齟齬仍瞿瞿纖絳若重裘汗漿流曼膚  
不成河朔飲恂愁空咄吁但願得變化何物不負吾  
清商若箇畔乃有秋風菰蕭蕭立碧玉獵獵森青蒲  
滄滄蕭爽迥颯颯清涼俱寒莖冰逾淨冷影霜欲枯  
不借龍皮扇安用黑蚌珠誰言重水玉自可輕醍醐  
此心良耿耿此意何區區足知熱濯風不如我所圖



君看瀚海上百尺水平鋪赤脚一踏破除此非吾復  
七言古詩

上天朝楊御史

錫

應製

億昔歲在龍蛇間鯨域遭罹陽九厄海中契鯨鑿齒  
磨牙競人肉千里腥膻染戈戟城闕丘墟廟社灰鬼  
神狐傷天地窄聖天子愍我君臣越在草莽乃百萬  
億蒼生陷犬羊再動神兵掃凶逆文武之臣受命東  
來冠蓋接後先督府元戎盡于役經理家務委寄最  
難人必待深謀雄略善劈畫天王乃命御史楊公賢  
是任驄馬繡衣來遠跡楊公自是天下士早好奇偉



侗儻策文章屈宋作衙官氣槩山河入揮斥家聲四  
知金千古傳清白明經冠漢儒青紫領髭摘拔擢潤  
朝廷明光幾前席此歲朝受命夕飲冰身跨白玉鞍  
腰間劔動龍三尺蹇辭燕臺高遙度鴨江碧析木津  
頭福星光下垂扶桑海上紫氣爛相射四牡金纏轡  
千峰石戴驛威風烈烈先以聲鯨溟殺氣已蕭索高  
居玉帳臨河魁太白收芒色不赤轅門白日靜燕寢  
清香積令嚴鍾鼓夜寂寥爽氣炎天猶淅瀝坐瓊筵  
指揮十萬貔貅如束濕薪芳翫冠股掌中折衝樽俎  
間金旄蕭蕭芳火旗赫赫醜虜逃聽心膽寒秀吉可



貽巾與輓斧螳鋒蝟聚作穴中螳黠角之城雲梯格  
我公輕裘緩帶方獨先萬夫奪其氣目中已無沙塞  
磧海壖一塵何壯哉欲使秦輪不返隻假息鼎魚爭  
乞憐不敢八尺寸宛啖擬將秉蒿奏周凱復見靈臺  
之偃伯向來青社賴不屋萬姓各田田宅宅邢遷如  
歸衛忘亡帝德如天河讓澤解紛釋難無非天朝將  
士力救鬪弗搏搢扞我國最有恩最有功莫非我公  
先東人思如父母仰如星斗方豐碑口藉藉奈何天  
不借大功未半三軍腕還搯篋中白羽扇未秋良可  
惜一自颺輪返九霄各天悵望雲泥隔緬懷瓊樹芳



幾吟鴻飛遵渚詩佩服德音祖無斁謂言小邦雖僻  
在左海左我公控焉耶嘉客欲表著不世勲景仰高  
山在朝夕常聞德澤在人者民必生祠自在昔石相  
祠藥公社所以立控燕齊地照人耳目千載聲名何  
寫奕僂當中國而閣爲公祠不負古人心先獲何幸  
如今又得像惟肖數幅絞綃挂素壁英姿颯爽骨相  
真騏驥霜蹄鵬風翮浹山大澤龍虎變化不測魁傑  
人再拜孰不動心魄景星慶雲再覩足爲快如承謦  
欬負鈞辟蜀人昔留張公像張公未是有異蹟我公  
活我青丘民德流子孫何翅在處咸手額形像盡麒



麟光輝載竹帛豈但被草木且可燭蠶緇念我  
敬王得公雅論如拱壁逮今我寡君尤慕高風望禪  
益况聞玉節臨漢闕陸贄水慄昏辟易東人引領無  
忘角弓篇欲寄心風恨傳譯蔽芾甘棠尚勿伐見像  
懷賢那忍釋望塵望履不可得却歎風烟限疆場山  
川雖間之戀德一念長脉脉公名漢江水公功白嶽  
石江不絕方石不崩公之功名與燁燁

次駕鶴樓韻

昔人駕鶴樓上遊一去不返今千秋鶴去樓空日月  
白百里更屬吾仁侯青山卻略水滂湃入檻松風生



地籟高樓搥碎弄突兀臨觀不隔烟霞外仁俠爲政  
謝茹吐莫爲吏迹寧媚嫵高明遊息足全天永嘉句  
漏何須數閭風玄圃八冥搜引人絕境充淹留箇中  
只合卧元龍不但豪氣兼風流我落塵埃望寥廓引  
頌思君雲漠漠地因人勝亦堪誇世間知有楊州鶴  
感君思引贈石峰

鍾王筆法巧奪造化工萬古誰敢爭奇雄流傳妙柴  
映四海幾年古墨來吾東石峰得之妙入神眼高一  
世空無人臨池盡黑獨有喜勁骨老氣皆逼真天門  
蚤結聖主知半生顧盼偏恩慈今年又奉尺一命



短僮羸馬朝京師授館致餼關中貴白日榮光照天  
地銀光側理下如雲龍蛇飛動金門裏聯翩寵錫出  
玉府絡繹仙琬分異數豹囊玄玉結晴烟麝臍清香  
凝瑞露醪醑歛灑黃封春波臣拔刺白錦鱗彩毫不  
借文通勇便面解障元規塵味長山脩兼海錯陸羽  
草魁安期舄玉粒粲粲然桂新烏銀斫盡春山碧白  
蘊黃潤不見風星娥應復慙女紅尾鴻惠渥乃如此  
生成始訝天無功儲君睿想親拂拭華袞王音垂獎  
飾賜霑霑澤借恩光滿目祥雲堪動色餘波浹骨自  
天下卷却銀河向身瀉湛恩如海又如山海即東溟



山泰萃自是 君王聖抱藝爲愛筆精能獨詣天笑  
頰回天眼開鐵索銀鉤動旒綴君今抱此海內寡二  
才鶴唳曾徹黃金臺千金一字不覺九鼎重較除敗  
筆丘山積自古濡毫世不少曉星爭似月皎皎伯英  
魯公浪得名何況褚歐與羅趙未聞能感帝王尊那  
復昭融天語溫但使高名懸日月誰知新渥溢乾坤  
吾知石峰不世遇獨紆激賞無今古漢水若帶南山  
礪塵露難酬九重顧惟應手拂鰲背三山石一片龜  
龍壓鄒嶧寫此吾王中興聖德頌峒嶠筆勢燕然  
額請祝 聖主九九八十一萬歲玉燭再調東海際



石峰到此志願畢歸老江湖思得計曰余抹掇百僚  
底十年抱璞長垂涕生逢堯舜不忍訣只有丹心遊  
玉陛與君契知親且雅意氣相傾更相借知君生死  
感君恩爲作此詩煩一寫

龍梭

月課

月中桂樹高百尺吳剛斧斫千年柯老骨輪困奇又  
奇天孫見之爲摩挲不待光容乃作器斲雕而成機  
上梭織得雲錦萬萬匹日日幾度拋擲過提攜愛翫  
不釋手玉質光瑩如琢磨烏鵲橋頭七月七半夜更  
渡昭回河居然忽失手中物落在人間年幾多陶公



也是神仙入網出大澤千丈波獨見異狀驚歎久恐  
被鬼護煩撓訶歸來挂壁欲傳寶雷霆晝擊雨洶洶  
斯復化作玉龍去萬里彩雲迷大羅無乃星娥覓舊  
物故遣六丁取將麼不然至寶自變化有若鈎津龍  
太阿異事流傳天地間無人吟詠理則那溪忠物理  
三歎息欲問天公知奈何

題韓石峰野藏龍虎障子歌

龍爲至神物名八四靈身是凡鱗主虎者乃戾蟲氣  
壓百獸雄作毛族祖何人繹思搖彩筆手發天機授  
花露想當解衣盤礴贏眸睨六合凌千古經營意匠



得神助揮灑奇功在毫素鱗甲欲動牙爪奪天骨開  
張毛毳豎角掙戟方尾拽風噓氣疑成雲片縷眼如  
雷方腋挾乙嘯起長風欲吼怒新姿如八菜公室白  
日蜿蜒頭闖戶奇形若伏熊渠石夜射猶餘矢沒羽  
不是渡河避宋均無乃負舟驚夏禹晉人蔡墨可言  
智楚國子文如得乳劉生學擾不能攀馮婦下車安  
敢侮南山霧澤一斑文碧海春晴五花樹元氣淋漓  
濕毫末宇宙茫茫太陰暮五色雲中出頭角叱咤雷  
公振天鼓隱然真作在山勢擇肉熊羆飫不吐海底  
鯨鯢未相識何況草間有狐兔龍之兒一朝僂學升



天行變化茫洋白雲路虎之于三日已抱會牛志吼  
裂蒼崖輕楔窳悲風萬里生微綃古色蒼然起烟霧  
不有凝毫幻神俊此物安肯留牆宇初來主臣未敢  
逼熟視默與精靈聚泥蟠不可此中久一注甘霖蘇  
下土雄心豈欲卧尺草搖尾乞憐非媚嫵誰得食肉  
寢其皮我欲攀鱗朝紫府石峰墨妙鍾王流筆製靈  
鰲三島舞乘槎再上黃金臺金臺羣賢喜相遇中有  
一人好古者邀引華堂談玉麈顰對粉壁融心神飛  
動應龍怒雕虎主人爲祝好鵝賓卷却湘烟侑鸚鵡  
歸來鱗域重拂拭畜眼平生無此覩祇恐雷霆霹靂



破四壁躍上層霄走林莽求詩記異良有心會見六  
丁來下取誰知粉墨形似間自有神靈若威武倚劍  
摩挲一長歎山出箕風海飛雨

敬憲公祠宇詩

為吏部李尚書作

鐵嶺之外古朔方韃靼鄉連肅慎氏天傾西北白頭  
山地限華夷黑龍水鳥道幾層鉤閣重鯨海一邊陽  
谷通分州政得二十餘去國相懸數千里俗參蠻貊  
事弓刀民雜羯夷略文字朝廷幸借敬憲公祭戟  
初為觀察使謂言漢祖豐沛邑乃是周家岐豳地名  
教尤宜重庠序詩書耐可化窳拙傳稱不學即將落



聖曰有教元無類掄簡選收子弟員聚辨盡作衣冠  
士藏修遊息豈無時切磋琢磨良有以麗澤渾如蛾  
子述入學爭厲鼓篋志坐令聾瞽旋鑒開竟使螟蛉  
式穀似適越非關章甫資遊睢咸善藻績事柳民樂  
承子厚經潮士敬服昌黎義從此遷喬北方學庶幾  
矯翼南溟徙聯翩點額望風雷取次明經拾青紫易  
俗由來先以身牖民不啻若提耳也知公是千人豪  
非但才堪一方吏德宇何曾有町畦度量不敢窺涯  
挨紫燕駉駉凡馬空大呂黃鍾八音始足踐台斗未  
爲榮器合廟堂方可倚自公一去雪山輕此邦千秋



景行止爲立仁祠俎豆之若見英靈陟降只甘棠長  
坊召伯思峴首幾墮羊公淚宸心寵獎有哀贈詞  
伯榆揚非溢美遺廟應難覓兵燹餘烈唯看在人談  
先生五世澤不斬後死幾多思未已揭虔聊且卜龜  
會結構不爲如鳥跂高名直與白日懸盛德眞堪百  
世祀文翁守蜀尚儒化常袞鎮閩敷書史成就馬卿  
擅文章導迪歐生奮泥濘至今偉績不可泯從古高  
人乃如此不有君子能戡穀豈得遐荒識義理西巴  
廟食尚巍然北土祠宇寧徒爾德聲不廢三清流仁  
聞兼將白雲比何況公後盛簪纓珎以卿材多杞梓



天官尚書玄曾孫地望雅量英雄弭見啣僊命來鴨  
塞欲把歌聲傳繭紙廣求作者映當時何意散才蒙  
不鄙非緣一日始登龍定謂十年曾附驥依紅縱未  
得泛綠拜塵亦從頻望履祇恨言論少歲華却愧文  
詞甚骯髒把筆那知右手枯被酒詎信雄心死良由  
盛意未可孤莫怪曼辭無所擬敢言明月闇投人獨  
向長風吐豪氣

五言絕句

書畫板

積雪層峰色寒雲萬木陰斜陽石棧路驢背獨歸心



喜逢文生舊知醉贈

草入三春綠江含萬古愁  
仙源花蒲樹欲進武陵舟  
文生遠寄和詩因用其韻寄將

雨後傷春恨江頭送客愁  
寒潮帶落日相逐一歸舟  
次春曉韻

銀漢綈星沒綳簾隙月斜  
風來收宿霧鳥散落餘花  
六言絕句

六月十二日午飲

雨後碧山如洗風來綠樹微涼  
破屋數間日永高天  
萬里雲長



七言絕句

書贈山人雪鑑

佛燈明滅篆香灰  
靜夜江湖枕上來  
林鳥數聲窓已曙  
故山松桂夢初迴

秋思

燕塞霜寒鴈度遼  
碧雲四望海天遙  
愁人只結相思夢  
月在虛窓夜寂寥

醉吟二首

俠心還向醉中來  
錦瑟佳人歌落梅  
但使夕陽馱細馬  
絕勝雲雨下陽臺



爛醉歸來日已斜  
遠林烟暝欲棲鴉  
心知有約黃昏後  
攜得瑤琴待月華

九月四日朝起

凝色晨開宿霧收  
射窓晴旭萬山秋  
詩情忽被孤鴻引  
衝破層雲到玉樓

有所思

怊悵佳期不奈何  
彩雲深鎖暮山多  
朱絃未斷腸先斷  
遙向秋空望白河

邊鴈

啣蘆避雪共聯翩  
夜到金河萬里天  
想得一聲西塞



月來時應過王窓前

九月九日奉寄沈學士

光世

沈約高名謝眺才薄遊江海出蓬萊君王愛藝金蓮  
燭爲待相如視草來

顰愁文殊寺

蒲江紅葉錦煊爛落日秋光盡裏顏顰借蒲團成穩  
睡不知身在白雲間

再逢

重逢脉脉兩無言強進波盃暗斲魂明月清風獨歸  
路青山更隔幾家村



大晟元日迎祥詩

金闕春旗簇伏齊  
黼黻香動瑞烟迷  
聖君大德同  
天覆不用樓前舞  
白題

用龍濟舊韻奉呈月沙相公

紅蓮幕下是何人  
醉擁笙歌吐錦茵  
撫跡十年搔白  
首至今猶作夢中春

二月二十日以開米之漢上

江上晴峰雪色高  
碧天斜日接雲濤  
海門萬里三山  
在欲挂風帆掣六鼇

遣興示通津倅



玉匣龍泉吼不平壯心中夜惜談兵孫吳讀破知何  
用祇賭人間博學名

大殿春帖子

金宮寶字篆宜春暖氣溶催物候新天地無私均雨  
露君王育物亦同仁

青莎牧笛

暖草如烟黃犢肥綠簑青箬收兒隨倒騎日夕橫長  
笛帶雨歸來一捻吹

次石洲韻

驚時披霧覩青天却把離金意惘然芳草不知生別



苦蒲山烟雨碧芊芊

贈楓岳上人

楓岳雄盤東海東  
鑊天一萬二千峰  
餘生已老空回首  
留與山僧說舊蹤

立春帖子及迎祥詩居首蒙  
賜黑角弓二張

平生讀破五車書  
八首詩紆兩角弧  
只恨老臣筋力少  
挽強那得射封狐

五律

夜吟二首

有客何爲者  
風塵已白頭  
鉤心猶未折  
才命不相謀



自古傷流落于今任沈浮久知無適用只合謝鯢丘  
有客何處者身爲薄宦羈雄心鈞不老華髮鏡全知  
磊落悲千古棲遑笑一時春風無限意寂寞賦新詩  
追次李子敏韵二首

韋筆昔年事常筵今日遊乾坤猶逆旅琴酒更仙樓  
亂舞神逾王狂歌興不收往來眞一夢身外莫須愁  
美酒元相引名園耐薄遊盃盤燈下席風幔雨中樓  
興逸何曾盡詩狂不復收夜闌方酩酊無地著窮愁  
遣懷

宇宙三間屋衣冠七尺身衰顏羞照鏡雄心欲生塵



富貴非吾事文章有幾人清風北窓下高卧足頽神

追次五峰秋字韻二首

磊落雙龍匣蹉跎兩鬢秋浮名難掇棄薄產未歸休  
日下徇微祿天邊懷壯遊十年猶一夢關月幾回頭  
步兵偏愛酒宋玉獨悲秋俠氣何曾餒微官詎可休  
傷心千里夢撫跡十年遊多少殘生事塵中已白頭

金陵道中

曉發金陵縣風涼水國秋烟沉失遠樹潮落吐長洲  
老馬還迷路羈人易作愁茲行亦王事驅策不能休  
八月十七日晨坐用老杜秦州雜詩韵十五首



久被塵埃累，暫來江海遊。已將詩遣興，更把酒消愁。  
霜入蓬蓬鬢，風凋萬木秋。微官是吾分，不敢望封留。  
風起亂雲動，日斜高鳥歸。長吟正愁絕，一念復依微。  
鄉里不知遠，音書還覺稀。仍嫌回望處，千疊暮山圍。  
小智那千慮，愁腸自九迴。田園從此去，風月至今來。  
竹杖身堪倚，茅齋手可開。況當秋欲半，菊散鴈流哀。  
澤國兼鄉國，長亭復短亭。猶連大江碧，未了亂山青。  
自笑雙蓬鬢，誰憐一客星。悠悠江畔夢，不離舊林垌。  
細川橫野遠，亂嶺入檐低。雲翻聯翩鴈，霜臍郭索泥。  
夢回三極北，身滯大江西。自幸遇明主，耳邊無鼓鼙。



聾

林老藏山郭潮寒蹴水宮  
斷雲飛迥野孤鳥沒長空  
檐短宜迎月窓虛任受風  
潦留亦多日忘却路西東  
雄心忽不愜且復撫龍泉  
把酒惟須飲吟詩莫許傳  
神仙應有分風月自無邊  
樂處酬陶冶狂歌亦浩然  
老矣無能役愁來不自強  
猶嫌雙鬢短但取寸心長  
語實非珠玉論材愧驕驕  
秋天正搖落白露結葭蒼  
古縣依山麓居氓近百家  
野田侵海崖村逕入溪沙  
掾吏多乘木王官少及瓜  
三來桑下宿吾又見秋花  
落日寒江上秋風亂樹間  
拓窓臨曠野倚杖看前山



杳杳羣鴻去茫茫獨鳥還他鄉饒物色蕭颯鬢催斑  
野草蟲吟暮江天鴈叫羣亂峰低落日遠樹帶層雲  
去國非千里歸心已十分獨歌還獨笑荒僻斷知聞  
荒涼覺舍在茂草映秋光可歎三間屋誰闢數仞牆  
猶難看倚席何敢望升堂不是青衿散臨風感慨長  
來賓鴈識序如客燕知歸漠漠江雲色荒荒野日輝  
愁吟還咄咄癡坐未翻飛旅恨已如此況論丁令威  
海內知音少人間行路難但令心事在未見淚痕乾  
土木形骸老蛟龍匣劍寒尚堪揮健筆賈勇上騷壇  
拂拭遭眚代聲名何所知休言老縫掖自是好男兒



幾處聞吳詠誰家醉習池傷心月下鵲三繞未安枝

與浙人張龍同舟

爾是天朝卒余爲海國人同舟真邂逅把酒整逡巡  
白日亭亭近青山望望新皇風無內外相見即相親

客懷

久客悲蛩獨清秋眼別離荒山一片雨遠浦夕陽時  
地僻人來少天長鴈去遲九腸無一寸何用謾尋思

夜讀

旅舍鷄三唱寒江鴈數聲讀書聊自遣不寐若爲情  
星落催天曙風生報雨晴愁吟轉悽切獨對小燈明



春帖子

瑤星移直北銅箭漏司南一氣生成得三元化育參  
日舒麟閣暖冰釋鳳池涵聖見書寬大湛恩遠通覃  
駕鶴樓次五峰韻

地老樓非舊仙歸鶴不留分符幸循吏爲政亦風流  
俯仰人間世登臨水上頭可能分物色吾亦共清遊  
九日與諸君登後峰

暮景千峰色佳辰九月秋  
插茱追故事落帽破間愁  
天淨高雲捲山寒宿雨收  
百年無限興一醉是清遊  
大殿春帖子



玉漏傳籌緩青旗簇伏齊射城祥旭近去殿彩雲低  
扇影隨龍轉爐烟繞黻迷桃符從故事取次換天題

大殿迎祥詩

寶曆行三正湛恩被萬殊陽春天北極化日海東隅  
本自酌無象何曾戒不虞較除琛賁譯王母獻瑤圖

中殿春帖子

獻歲春爲首從陽月是陰六宮欽懿則一國仰徽音  
風展披香細烟開太掖深塗華本蕙儉除却晉臣箴

大行 王妃挽二首

代述

玉律消金殿椒塗慘總帷賓天騫馭遠奔月翟榆移



下國失慈覆中閭喪母儀寂寥餘慶日無復誅冬螽斯  
贅壺踰三紀推仁體六宮已流樛木化終悵桂華空  
羽衛歸天上容衣出殿中年年長信草應綠舊春風  
尋李正郎幽居

亂草穿幽逕荒村訪故人秋光蛩語露山色馬蹄塵  
直道餘三黜農談博四隣可庭還得月共此醉中真  
偶題

白髮搔還短雄心老更長風塵身汨沒江海夢蒼茫  
簾薄侵霜氣床空透月光感時頻撫劍一夜九迴腸  
健元陵



福地分金盞神僧啓錦囊百年王氣盛萬葉霸圖昌  
澤被鯁岑遠謀從燕翼長不能陪八駿生晚亦堪傷

昇天府晚渡

海口寒潮歛雄風鷁退飛一帆衝逆浪萬里倚斜暉  
別鴈依依失孤鴻去去微異時宗慤筆但道願無違  
客懷奉示沈太守

江畔春將暮風光欲斷魂花明愁蜀魄草綠恨王孫  
遠海孤雲落長天一鴈翻此時徒極目斜日半峰痕  
春雪

三月江頭雪狂風誤物華青殘灞橋柳紅損武陵花



凍雀愁烟暝飢鴉畏日斜餘寒春不管疑是度龍沙

上文殊寺

蕭寺倚懸石白雲生石中青天望不極碧水去何窮  
日下長洲畔風鳴苦竹叢登樓一盃酒豪氣與誰雄

祝人

草草生如寄蘧蘧夢已驚虛舟應不繫流水本無情  
丹桂天垂澤青雲鬼割榮佳城沉白日淒斷薤歌聲  
奉謝芝峯詞伯見枉闕展對

偶被隣人酒空迴長者車席門寧有客苔蘚久無鉏  
雲日天光淨霜風木葉疎定知高興盡對榻更何如



南復始見過求詩

委巷誰相問柴扉盡日關  
多花一樹老啼鳥數聲閒  
隱几看黃卷開窓對碧山  
此時驚倒屣爲有慰容顏  
奉次芝峰辱贈韻二首

世已輕寒士天應棄不才  
壯心軒宇宙屯命恨雲雷  
老去猶存鉤愁來且覆盃  
龍門從此隔何地好懷開  
自恨窮途哭誰憐壯士肝  
老知詩律細貧覺鉤光寒  
日月催蓬鬢風烟入馬鞍  
迢迢關北路客興久應闌

再疊

當代論詞伯公爲第一才  
盛名懸日月餘力鼓風雷



憂國頻投劄逢人數舉盃應憐老賓客眉宇不能開  
自分馬牛後何曾思鼠肝謀身元抹撇到骨是清寒  
紫塞遙鳴鈞青山幾卸鞍論文一尊酒莫惜夜將闌  
遣懷

蹉跎不得意流落更傷神宇宙已黃髮風塵還白身  
書窮天可問氣憤劍相親日索長安米堪憐曼倩貧  
次贈羅子升二首

萬事三盃酒殘生一草廬林歌朝出牧江火夜歸漁  
兩檻欹青竹風牕展素書蓬蒿蔣詡逕取次欲教鉏  
高人清拔俗特地蚤幽居萬慮詩消遣窮愁酒破除



青山來越絕流水落秦餘  
紺帙床塵淨時聞拂蠹魚  
贈五臺山上院寺僧

聞道上方剎中臺第一峰  
燈傳三世火鶴老萬年松  
瀉玉穿林澗掀天出壑鍾  
緣何得遊覽仙榻坐高春  
獨吟

生年五十九鬢髮白  
拏霜敢倚文章老  
空餘意氣長  
低頭唯忸忸舉目但蒼蒼  
那得凌風翰高飛出八荒



五山集卷之一



五山集卷之二目錄

七言律詩

錦溪君大夫人挽二首

奉呈芝峰二首

再疊前韻奉芝峰

次熊天使漢江韻

奉呈芝峰

挽鄭秀才

大騰

奉答芝峰二首

附次



醉題李公悠然亭

宣陵有感書奉孫正字

送

奉贈奏請書狀官赴京四首

漢江藏冰舍弟萬里為監其役余乘間往遊

奉贈金承旨

蓋國

赴洪州牧

奉次芝峰先生見眎韻二首

附原韻

奉贈權雲卿令公赴襄陽二首

送李子敏赴潭陽九首

奉次芝峰辱贈韻



附原韵

青塚

爨下祠

奉呈完山相公三首

扣寂有作奉似芝峰

再用前韵奉呈芝峰

奉次芝峯辱和韵

附次韵

再用韵赠尹<sub>頊</sub>二首

送千秋菴狀金公

<sub>終男</sub>



奉謝芝峰令公雨中見過二首

社稷陪祭芝峰有詩謹次其韻

社稷祭後賜飲福宴次芝峯韻

飯筒投水

奉贈冬至賀使俞公 大禎 二首

贈趙渠仲赴嶺南佐幕六首

送謝思書狀趙正郎 持世 赴燕都

送冬至使俞公 大禎

漫興奉眎朴都事 輅

戲吟



大殿春帖子

大殿元日帖子

留別廣州牧使羅

紱

海山亭

曹公友仁以桑木敬差官將歷遍關東

石峰之子韓

敏政

見訪醉贈一律

送李提督百首

重經健元陵

裕陵

奉贈崔備郎

睨

巡視三道舟師二首



送金使君赴德川二首

以假吏郎閔月奔忙戲題

漫興奉呈鄭公子虛求和

喜雨

醉次鄭子虛再眎韻

寄上天朝楊御史

編

醉席眎李子敏

送葯窓朴叔夜以元戎赴咸鏡南道三首

追次李子敏韻二首

賦得七言近體眎東岳求和二首



月汀相公壽席追賦七言近體

雨中有懷芝峰詞伯

次右台沈一松韻

月課二首

奉送李知事

尚毅

以冬至賀使兼奏請

奉送芝峰充賀奏副使朝京十三首

送趙

持世

以災傷敬差官之嶺北

風雲雷雨祭有作

次李子敏韻寄洪輝世

奉呈芝峰



在通津老吏吳濱家見壁上有郭詵詩

遣懷

訪問伯春田家

遣懷

暮意

重訪李僉知坐槐亭

九月十三日

以封彌官入一昨戶曹與膳錄官同處三首

試院偶賦奉脉諸君三首

在試院奉示後湖二首



奉贈楊子昇

次韻贈成則優二首

奉贈鄭子虛重赴古城

賦松園奉月沙相公

鄭參判

協挽

奉寄任參奉

屹

寄邊衣

歸及春風斬釣竿

韓敏政見過

贈冬至書狀官權公

盡

已

二首



奉送太常直長李思彥

尚倅

以點馬如龍灣

醉席重贈李公

尚倅

送宋德甫赴任海州

太常心齋

送趙公

續韓

赴靈光郡

追步沈相韻奉賀芝峰二首

別崔員外

英里

赴海西叅佐

詠靖節停雲詩為賦所懷奉呈芝峰二首

董子開門雪蒲松



五山集卷之二

七言律詩

過城車天輅復元著

錦溪君大夫人挽二首

卿卿位望最爲優三子登龍李爵侯  
天借壽星明婺女世推閨範煥  
睢鳩德人福祿應難並命婦哀榮亦  
寡儔欲奠生芻慙吊鶴湖雲南盡路  
悠悠

大夢寰中近八旬淑身曾是範家人  
會知焜耀班姑傳忍見荒蕪孟母隣  
丹旌緒風翻朔雪青鳥遠日卜殘春  
爲綠鼎貴三郎在又飾幽泉罷渥新

奉呈芝峰二首



元禮曾開文舉樽瘴雲梅雨對青軒芙蓉爛熳謝公  
句楊柳依微蘇小門竹使分憂淹日月萍蹤作客信  
乾坤去年陳跡今年夢覽觀京華不敢言

洪陽刺史整偷閒大隱菴瞻萬壽山暇日政看梅北  
發行春須趁鴈南還非關秀句江山助捻爲歸轅父  
老觀四達晴軒饒勝賞肯憐浮客又龍灣

再疊前韻奉呈芝峰

去年樽酒博清閒觀政堂中對月山萬里碧天雲去  
盡半規紅日鳥飛還却收浪跡聊相託爲愛高風不  
可觀轂下此時重得御夏堪金水想潄灣



次熊天使漢江韵

猥上仙舟晚不迴  
更看瓊句敵珠玑  
岳陽雲夢浩然語  
芳草晴川崔顥才  
海外碧山鼇戴立  
日邊丹詔鳳銜來  
星槎欲問蓬丘去  
爲有江湖萬里開

奉呈芝峰

賞音千古一鍾期  
敢恨吾生已後時  
養拙只緣全性命  
貪名豈坐愛文辭  
丹心許國寶刀在  
白髮欺人明鏡知  
賴有清風北窓下  
醉來長嘯更題詩

挽鄭秀才

大瞻

一疾曾紆父母憂  
如何弱冠便長休  
仲容未展青雲



器長吉先歸白玉樓駉駉作駒還仆地蕙蘭纔茁忽  
凋秋若教山斗銘韓洵短折何傷姓字留

奉答芝峯二首

皇天滛溢掩秋暉積雨連山雲不歸亂草漸深幽徑  
暗遠沙全沒小溪肥誰能載酒過茅宇我獨哦詩鎖  
竹扉政似少陵苔及楊鏡中裴謝減容輝

席門誰復與追尋珍重高軒乃肯臨裹飯還疑十日  
雨斷金真見二人心山風透幌塵殘暑野蔓慙籬簇  
晚陰靜帳書齋獨吟處興來何必入林深

附次

芝峯



立馬山南近落暉倚松愁待主人歸村邊古柳先  
秋冷籬外清溪不雨肥荒蘚印蹤封石徑晚雲留  
影鎖荆扉今朝喜得新篇貺篋裏珠璣夜有輝  
泉石寒盟久未尋一秋幽興阻登臨還逢謝子遊  
山日謾負嵇生心駕城闕暝烟浮爽氣洞門殘  
雨送層陰閒愁擬就蘇端話却怕泥塗沒馬溪

醉題李公悠然亭

爲愛幽居枕小山欲題凡鳥更盤桓入簷古色松陰  
薄拂地清標竹影寒大隱却從城市得芳隣須向類  
宮者引人不是盈尊酒坐到斜陽興未闌



宣陵有感書奉孫正字

送

六年重謁漢園陵  
蒲目雲霞感慨增  
暝色壓山寒雨  
逗秋聲撼樹晚風興  
桑田自是曾看海  
灰劫何須更問僧  
賦得路人猶拜句  
那堪此日淚霑膺

奉贈奏請書狀官赴京四首

青丘主器屬元良  
舉國歸心碧鏤祥  
天地長男爲世子  
宗祊大詠出君王  
合紆罷命絲綸降  
賴得賢臣玉帛將  
看取句當一大事  
歸攜春色共恩光

使者三賢盡達官  
一時銜命豈才難  
春曹宗伯文章重  
地部亞卿德宇寬  
況得玉標參下价  
久歆風采贊



朝端共當國事周旋奉努力邦人拭目看

鴨江如帶限遼城坐此彈丸惜此生假使男兒成事  
業不過文字博聲名近來浮世天難問老去雄心到  
獨鳴却羨君行朝上國漢家秦地眼中明

十年重到鴨江濱隔水遼山入眼新恨不與遊中國  
士但能生作小邦人掘泉及地功何用坐井觀天見  
未真此日送君朝玉帝白頭空自淚沾巾

漢江藏米舍弟萬里爲監其役余乘間往遊因  
以淹留至除夕設小酌武夫二人乃以部將得  
與其役故與之同醉醉後乞詩賦以贈之



落地弟兄皆四海生同一世况同庚只將老氣酬談  
笑不用浮名較重輕君爲鑒水供國事余從賞雪答  
詩情今宵真惜留連醉便覺明朝白數莖

奉贈金承旨

蓋國

赴洪州牧

王命分符養母慈一麾江海尚恩私股肱慙作湖西  
牧喉舌初辭斗北司殘日心長萱草在傾陽誠切露  
葵知此行剩得君親報挂笏看山賦幾詩

奉次芝峰先生見脉韻二首

編虎應輕繫下曹廿年萃省幾迴遭登金歷玉寧辭  
峻抹月批風不成響筆鼓風雷驅造化曾藏兵甲妙



鈴齟致身禁密承殊渥蚤識才全德又高  
清切司存接貴遊報恩唯恐古人羞雙龍吼匣曾干  
斗一鶚冲霄政得秋詩出盛唐才大雅名浮東晉輩  
清流莫言官序潘生拙九入銀臺尚黑頭

附原韵

芝峰

江海頻年作遠遊重來今日感兼羞烟花紫禁尋  
常夢雨露銀臺十六秋三省吏入新面目九霄簪  
笏舊風流欲將筋力酬恩寵未覺摧頽已白頭

奉贈權雲卿令公赴襄陽二首

降仙亭外是扶桑坐見金烏湧大荒鸞鳳下雲丹穴



近鯨鯢噴雪碧天長十洲縹緲神仙窟三島蒼茫草  
木香道骨占知餘舊習不然那得臥黃堂

關東形勝冠吾東咫尺乘溟浴日紅黃鶴去歸明月  
在白鷗飛盡碧天空鯨鯢剩見三山雪鵬擊遙聞萬  
里風此地分符償宿債尋真頻輟簿書叢

送李子敏赴潭陽九首

孝理方敦聖化新憐君歷試爲慈親人生亦足專城  
養王事何嫌去國頻更見一麾隨五馬須知寸草報  
三春分憂况重惟良吏莫使龔黃擅漢循

四年三佩左銅魚筋力政當強仕初綵服何須捧毛



檄錦衣還喜導潘輿孝誠不出寧親外忠義休論報  
國餘除此一毫無藉在從今兩義問何如

詩到容齋獨老成有孫如子得家聲少年材調文章  
伯中歲頭銜刺史榮留犢湖端不爲懸懸魚海徼肯  
求名此行又是膺推薦飲水毛看徹底清

怪底才華邁等倫如何獻納阻麒麟可能政事方求  
志不爲文章自致身刻鳳已傳家業久盡能還沐聖  
恩新雨中幾處叢梅發須折春枝寄故人

四十專城古亦榮貂蟬况復貴簪纓北堂萱草春風  
老南紀梅花夜月明撲地謳謠聞惠化揆天詞藻動



詩聲欲知異日留遺愛井里生兒李作名

忘年契分托平生文舉多慙識正平莫笑屠龍非亢  
技也知捫蝨是高情一官白首滄洲遠雙劍雄心紫  
氣橫耐可塵中拂衣去狎鷗隨處更尋盟

薄宦浮名絆此身胡爲蹭蹬在風塵蘇秦不是能然  
桂汲黯寧非坐積薪日月跳丸催白髮雪霜吹鈿拂  
青春送君又作離羣恨孤負韶華欲損神

二十年前一見君相如詞賦早凌雲雄才卓犖知青  
出朽質蹉跎見白紛最喜搏鵬方奮翼堪憐老驥未  
空羣識奇無復平生字欲贈何言此日分



當君作宰坐洪陽客我秋螢屏宇光紅粉行中明燭  
久管絃聲裏引盃長樓臺白雪三冬盡江海青春一  
別忙往事只今空夢想南遊倘得更翱翔

奉次芝峰辱贈韻

被肘尊前興未闌爲憐光景却忘還青春作伴聊開  
眼白髮欺人豈駐顏勲業行藏談笑外是非憂樂有  
無間莫教逆少書陳跡瓊樹長瞻紫氣關

附原韻

芝峰

三分春色二分闌惆悵佳辰夢裏還烟染柳條綠  
著眼日烘桃萼欲生顏功名任拙風塵下詩酒論



交宇宙間拚醉一場難盡興  
杖藜重肯欵柴關

青塚

代人月課

黃金辭恨盡中形千古荒墳一片青  
白草山前餘恨結黃沙磧裏托魂馨  
風來省識虞姬舞月照空歸帝女靈  
堪笑漢家無上策蛾眉憔悴葬龍庭

爨下桐

鳳巢天骨嶧陽桐樵斧爲薪恨指窮  
猶幸賞音求爨下絕勝斷木在溝中  
人將命會如相待物遇時來亦自通  
焦尾不妨絃玉軫伯喈心匠斂神工

奉呈完山相公三首



宿德崇班世所榮青雲自致豈虛名已看鍾鼎銘勲  
業霞識朝廷重老成夙夜奉公雙鬢白消埃報主寸  
心明養安自是長生道謝事何復遠俗情

曾是先朝老大臣功名圖畫在麒麟帶犀不覺黃  
金重齒杖還看白髮新只把丹心輸聖主肯回青  
眼向時人間中自有園林趣柳暗花明剩借春

西海過從一夢圓春光二十八同年池臺命酒憐風  
月樓閣題詩聽管絃寂寞壯心那有此悲涼往事尚  
依然白頭又作膺門客爲近城南尺五天

扣寂有作奉似芝峰



久壓銀臺五從臣如公雅望更無倫文章才大衣冠  
舊咲台官高兩露新辨色蚤朝常待漏分行獨坐絕  
均茵定知前席回天意獻納論忠國有人

再呈芝峰

從前貢禹喜王陽魚北釜蹄久已忘失路莫嫌彈鋏  
久得權傾信引盃長陸沉浮世東方避痛哭窮途阮  
籍狂垂老不禁江海思何人刺齒與持梁

奉次芝峰辱和韻

寄行卻曲嘆迷陽從此應須學病忘大地肯嫌容足  
窄高天頓覺舉頭長久拚醉客醒還醉遮莫狂夫老



憂狂併日一簞猶望腹苦心元不羨膏粱

附次韻

芝峰

倦遊當日古洪陽往事如今八坐忘  
萬里鶴心玄圃遠九霄鵬翼碧雲長  
形容宇宙壯中老氣縈江湖醉後狂  
銀署廣文俱落拓世間榮辱一黃粱

再用韻贈尹頊二首

流落功名已後人不禁雙鬢總如銀  
壯心勃律蛟龍劍晚興沉寔麴米春  
久識世途長抹掇敢論詩句較清新  
却慙商嶺茹芝世坐隱猶憑虎豹茵

鹽鷄多少眼中人誰鍊丹砂化水銀  
可使高名懸白



日難迴暮景作青春江山有待渾依舊花柳無情幾  
歲新頻遇孔融頻命醪爲欣披霧鼓均茵

送千秋書狀金公

終男

西奏長安白日邊前星遙拱紫微天四方專對詩三  
百八月乘槎路幾千柏府霜威分獬豸水曹瓊句動  
山川不知駿骨今何在爲問金臺一悵然

奉謝芝峯令及雨中見過二首

今雨來仍舊雨餘枉迴清晷問多居閣塵爲掃高人  
榻門席驚聽長者車吐氣久拚看古劍論文敢道誦

奇書不煩仙術能留客解事天公若相予

昔有道士  
欲留左元



放一日三作雨是  
日大雨故及之

退食銀臺視草餘却憐潘岳賦閒居漫紆鞭轡過三  
逕豈有文章讀五車半日清談饒隱几百年深契負  
澆書此生只合高山似不但詩篇數起予

社稷陪祭芝峰有詩謹次其韻

壇場肅肅逼三清四遠星辰著地明玉璫黃流沉夜  
氣紫簫金奏雜松聲百官劒佩雲成陣五衛旌旛火  
作城對月兩章歌聖德天花却向筆頭生

社稷祭後賜飲福宴次芝峰韻

曙鍾清徹吼蒲牢  
盱眙靈壇薦血毛  
耀日祥烏飛彩



伏乘風威鳳集雲璈九重天壓爐香近萬壽山連御  
座高置酒法宮真盛禮從臣多少酌仙醪

飯筒投水

代人

千載懷沙惜屈忠年年楚俗感天中  
鳧舟競渡臨湘水角飯爭投置竹筒  
何處蘭蘅生舊草至今絲葉尚遺風  
九歌欲向江楓唱聲斷哀猿恨不窮

奉贈冬至賀使俞公

大禎

二首

執玉遙乘使者車此行應到玉皇家  
已知李札觀周樂還見張騫泛漢槎  
漏滴金壺蚪吐箭灰飛玉管鳳吹葭  
政當地底陽生日萬國衣冠共拜嘉



青丘冠蓋屬相望  
更捧芝函謁紫皇  
萬里王程初歷聘  
一年冬至又生陽  
漢時關塞風雲色  
禹貢山川日月光  
莫遣歸期落鴈後  
故園梅柳競青芳

贈趙斐仲赴嶺南佐幕六首

六載行吟錦水頭  
臥雲商邑又三秋  
初聞長樂還如夢  
重入脩門亦整遊  
參佐莫言今白髮  
從軍猶記舊青油  
嶺南自是君鄉土  
此去何嫌未作州

併按鷄林六十州  
棠陰婉畫屈名流  
南中橘柚迎蟬露  
北上音書見鴈秋  
不是棄繻函谷出  
何如衣錦會稽遊  
知君更得江山助  
千里風烟筆力收



洛下重逢是舊知  
白頭相對說襟期  
休將往事成追憶  
却恨今朝又別離  
拂劍未除垂老氣  
把盃還賦贈行詩  
試登鳥嶺頻回首  
漢水終南入夢思

生同一世又同庚  
四海休論弟與兄  
山岳可移酬意氣  
芝蘭如襲托交情  
虞翻骨相屯何恨  
庾信文章老更成  
曾是共歌河上曲  
此時還作不平鳴

為註蟲魚遂晚收  
著書誰識坐窮愁  
陶潛愛酒還無酒  
宋玉悲秋又值秋  
吟共寒蛩分靜夜  
夢隨歸鴈過滄洲  
可憐五斗能驅我  
不得將身伴海鷗

共是摧頽禿老翁  
行年況在執徐中  
半生憂樂論輕



重未死升沉較異同  
幕府參卿猶負屈  
京華旅食獨書空  
復知氣味終相似  
莫歎泥塗命未通

送謝恩書狀趙正郎

持世赴燕都

專對如君亦異才  
乘槎直欲犯河魁  
卽看趙氏連城壁  
更上燕王市駿臺  
秦地星文臨析木  
漢家雲氣接蓬萊  
昔人物色分留處  
健筆須將一掃來

送冬至使俞公

大禎代月沙相公作

西奏長安指斗杓  
嚴程敢惜馬蹄遙  
望雲紫極千官列  
執壤彤庭萬國朝  
玉律陽生堯曆衆  
金爐香惹舜簫韶  
看君去作勾天夢  
此日離魂莫黯銷



漫興奉詠朴都事

軀

流落塵中鬢似銀  
休迴白眼向時人  
半生文字五千  
卷未死形骸七尺身  
有分功名唯我老  
無私天地豈  
吾貧閒情更八沙  
鷗夢萬里烟波不可馴

戲吟

眉眉誰念一潛郎  
猶得虛名廁鸞行  
郢客徒勞歌白  
雪子雲休道賦長楊  
銜星紫氣誰能識  
照鏡霜毛獨  
自傷歲暮窮陰方殺節  
空山何處訪梅香

大殿春帖子

天迴淑氣轉青陽  
瑞日新暉較漸長  
百子殿開歌魏



盛五辛盤進頌唐昌發生萬物皆含德受紀羣臣政  
毓祥共賀 聖明調玉燭指星已見指東方

大殿元日帖子

斗攜龍角耀亨衢五色祥雲纈海隅共喜 君王叅  
造化欲迴天地八唐虞光開玉燭陽和遍氣轉洪勻  
品彙蘇耆取魏庭尊白黻直言多少矢三謨

留別廣州牧使羅

河陽桃李武城絃保合瘡痍惠化先皂蓋朱旛餘事  
業金章紫綬映華年煙深南陌花如海春盡西江水  
接天聞道廣陵賢刺史隱之曾是酌貪泉



海山亭

無限奇觀兩眼供  
坐來詩興十分濃  
東臨鯨海三千  
里西挹金剛一萬重  
立石巖巖明白日  
挂鍾丹穴隔  
青峰休衙堪作雲  
山主何羨人間萬戶封

曹公友仁以桑木敬差官將歷遍關東送牋求  
詩爲賦此律

踏盡關東廿六州  
此行非是博閒遊  
爲從王事辭三  
極要伴仙翁到十洲  
壓海彩雲空映日  
長春碧樹不知秋  
風光收拾嚴程暇  
想得歸來筆力遒

石峰之子韓敏政見訪醉贈一律



石峰精妙逼清真豈料寧馨子敬親黃壤不堪思  
郢質白頭何幸見元賓箕裘繼業家聲舊金石流名筆  
法新何敢撫孤徒雪涕城南斜日又餘春

送李提督百首

赴赴關西第一雄六韜三略在胸中承家事業名臣  
傳蓋世英豪國士風秣馬賀蘭秋草盡斬鯨賜谷雪  
波空功成獻凱麒麟殿天子應頒受賜弓  
漢家飛將出崆峒氣激金風颭中匣裏龍鳴三尺  
劍腰間蛇動六旬弓追思人倚甘棠召不代名高大  
樹馮看取燕然一片石海邦千古誦明公



將星光動碧霄中  
席上清尊倒白虹  
寒草秋枯闕月  
苦霜雲夜卷海天  
空魚遊沸鼎寧饒火  
鳥覆危巢不  
及風百戰爭如一  
戰勝掃清氣穢是奇功

談笑腥塵一掃空  
海中蛟鰓識威風  
指揮能事天應  
惜合散奇謀鬼不功  
夜報捷書靈夏外  
春收烽火涇  
江東尚餘蟻蝨逃  
湯鼎願借丹衡扇  
祝融

帝欲全安黠域東  
親提齊斧授元戎  
人間玉帳黃雲  
卷天上金星赤角空  
宋主今知羊侃虎  
周王曾卜太  
公熊羆應折筆  
鞭騎虜肯數勞師  
廣利功

麟閣爭推第一功  
心如鐵石氣如虹  
行兵不覺從天



下視虜猶嫵在目中倚劍浩歌風日轉登樓清嘯陣  
雲空封侯曾是公家事更與山河誓始終

推轂明庭一鑒凶天教九伐壯軍容長鱣不覺迎舸  
首高鳥休飛避劍鋒細柳亞夫元將種紅蓮王儉盛  
賁從分茅裂土勲名重萬里寧饒定遠封

尊俎還應坐折衝旂幟冠蓋最雍容威加玉塞三千  
里身作金城一萬重獨立奇功探虎穴試將京觀築  
鯨封遙知飲至明光席天子親帶琥珀鍾

登壇國士舊無雙憑仗明靈靜小邦大旆遙臨青海  
月前茅先壓碧油幢樹勲自立銅標柱秉藭還朝玉



女憲不獨將門仍出將夏兼文事極撻撻  
才兼文武是男兒周岳降精龍虎姿八陣風雲天地  
動六鈴星斗鬼神竒轅門不見黃塵起幕府何勞  
羽麾盛業未應銘石字海東人口盡豐碑

身騎赤兔出和緩漢甲何曾一鏃遺執銳被堅寧自  
負摧枯拉朽即優焉山從擊劍雄風起天遣揮戈落  
日遲旋見營平還振旅薊門晴雨卷歸旗

矛頭淅米釗頭炊足踏熊羆手搏螭雅望已歸眞將  
帥英聲光屬好男兒虎頭食肉封侯日狼鬣收芒  
決勝時鶻入鴉羣方一快若爲繁礪畫圖之



蚤歲持梁刺齒肥詎能雌伏卽雄飛龍顏天錫新雲  
旆虎父家傳舊鐵衣斷布懸城人賈勇後車餘肉士  
何饑昔聞三箭天山定今見將軍一戰歸

有征無戰是天威况倚元戎手指揮興滅恩紆千里  
餽陷堅身解萬重圍青丘弱植還能曳碧海鯨波不  
復飛總爲將良天子聖但歌無以我公歸

萬甲叢中識韎韐三周不注爲神威試看鳥卵垂山  
岳先取龍刀截海狶帷幕未愁巢燕雀室家應喜見  
蚍蜉濟艱急困公餘事况伏可謀受握機

微公那復免吾魚波及無非聖澤餘八室豺狼毆已



了在山虎豹勢何如海涯草木知名姓水底魚龍畏  
簡書臨別贈言非綈帶只應觀志古相控

授鉞專征戮海魚拂天旌旆照狼居堂堂正正兵無  
敵實實虛虛意自如不獨舉旗兼斬將纔能膺欽已  
懲舒景鍾會勒功名盛傳信須憑汗竹書

霜蹄滅沒騁天衢不顧玄黃轅下駒汗血可能知逸  
足蕭雲方始見良圖洗空萬古昏凡馬騎出三邊獨  
丈夫材氣相須人物並少控英勝老於菟

高牙大纛色敷腴方信人間有壯夫丈八蛇矛光照  
日一雙龍劍氣吞胡斬樓蘭首心猶在飲月支頭膽



亦麤若等武軍傳威蹟衛青猶未滅匈奴  
天生豪雋應時須鳳骨龍章相法俱江海倒流輸壯  
思風雲歟吸助雄圖挾門烈士三千劉塞路奇兵丈  
二及守在四夷今有道却勞戎馬此東隅  
怒氣爭看挾石貍將風元自出山西鐵車萬足皆龍  
種甲卒千羣盡水犀箕壤但看毆虺蜴靈州誰信戮  
鯨鯢讓夷急病前賢義未泰當時爵執圭  
東封賜谷一丸泥若箇威名桃李蹊掃穴犁庭清海  
窟封山刊石盡坤倪鼓鼙聲裏神猶王礧礧光中用  
不迷却憤蛟螭溪作橫額回雄戰血雕題



強弩千句一發鼉九攻何用試雲梯虹旗卷雪長天  
暗雷鼓傾山落日低食肉寢戈方吐氣磨牙吮血竟  
燃臍沉碑却笑襄陽水貴在無名肯自題

如雲萬騎擁青騮搏截還分兩角蝸北闕遄歸方返  
旆東人爭欲頌磨崖遙瞻玉帳應難及穎酌金壘不  
永懷壯士至今猶有恨游魂尚賃井中鼃  
歎山欲野勢風雷螭虎駢闐卷地來不有伐謀能節  
制何曾却敵劇鞭笞周王金僕流星過鄭伯螫孤宿  
霧開獨坐中權談笑了始知天下有奇才

豪持畫戟壓河魁蓋海旂幢出塞來北落明星玄象



動東征猛將赤雲迴歸途白馬驕春草來日玄旌映  
雪梅王畢定應懷靡及拜塵西望更悠哉

森嚴矛戟護靈臺天與多多益辨才虎父應定生虎  
子龍刀先已截龍堆白津陣解星芒盡青海城空積  
霧開欲識中朝人第一他年須看漢圖來

權奇天骨是龍媒騰踏寧論伏櫪駘圭壁合成瑚璉  
器榱桷直作棟樑材腰橫白羽飛星動臂挂烏弓滿  
月開剩得漢庭分闕重風雲隨處盡交回

氣色稜稜映古春雄豪真箇壓千人搏桑海底龍吟  
月華岳峰尖隼出塵卻穀詩書敦宿好雲長壯勇邁



超倫一家父子名天下太尉梁公小大均

矯矯王庭有虎臣東征西討暢威神尚書勲業超千古  
翼德英雄敵萬人放馬蘭山春不草洗兵棄海水  
無塵丹青鍾鼎真堪詫莫遣蠻兒返隻輪

上公肩宇是天人傲兀風神迥拔塵特地丁年依日月  
連雲甲第控星辰存社纓雄名盛氣挾山河古  
骨真父子並嵒俠伯組直須雙美畫麒麟

揣摩雄略動如神肯讓孫吳作後塵政似顧榮揮羽  
扇不妨諸葛戴綸巾問兵刮寇功無與擊鼓鳴金氣  
益伸祗恨鼎魚猶假息幾時焦爛待然薪



征東幕府大將軍天子旌旗一半分引滿烏弓隨月  
影拂揮龍鈞轉星文噫翺大塊風生賴叱倒崑崙海  
絕雲黯陣久應毫膽懾成雷無復聚飛蚊  
組練東來截海濱檀君區域息妖氛三軍喜氣排冬  
雪萬竈炊烟雜夜雲天下指揮都督府陣前旗鼓大  
將軍戰餘虎豹閒眠處刁斗寒聲取次聞

幢幃獵獵漢江濱翼馬聯鑣楚練分蓋雨蒲天聲振  
海戟校搖日影侵雲層連却道能排患耶文曾聞亦  
鮮紛按節長驅終勿迫前頭不復見妖氛

一洗東民萬骨冤聖皇威烈上公恩長驅熊虎衛



塞大掣蛟蛇出海門義在固存與滅國慮波防患重  
殊藩復由楚社從今日報答丘山未易言

雪暗彫旗凍不飄天回殺氣隔朝暎浪江馬蹏層冰  
裂漢水橋浮駭浪奔遠邑人民離金革都城士女頂  
香盆得離虎口歸慈父一日生生是底恩

曾哭秦庭呼帝閭乞師旋見沐皇恩威靈大暢兵繞  
出灰燼重然國幸存灑掃一抔陵寢土瘠瘵萬姓箭  
刀痕存看天日知誰賜手額難言處敢談

將種應須出將門魁梧氣岸炳靈奔兵符八妙傳雷  
石鈞術通神學白猿風伯灑塗迎鐵戟阿明靜海望



旗旛吾儕但詠鴻溝渚留語深恩在子孫  
列爵公爲五等尊三軍司命鎮轅門虎牙影動風雷  
起狼鬣光銷日月掀天上浮雲能手扶地邊滄海盡  
膏吞生憎蠱蠱猶懷毒令尹南轅領北轅  
聞說宜僚一弄丸等閒剛解兩家難城頭月照魚鱗  
甲壁裏霜侵虎鶚冠李靖慙誇平突厥信陵休道救  
邯鄲大能字小明天子公爲提兵據馬鞍  
纔把彤弓挂賀蘭又驅玄甲救三韓威風撼動東溟  
水俠氣飛揚大將壇妖邪掃天星角墮空揮斬海劍  
鉞寒莫言遠宅非爲武坐使彈弓得弄完



彌節何復過白檀遙看赤氣覆東韓  
劍衝星斗虹光動令肅風霆鬼膽寒  
壁壘天旋兵可正旋干雲直馬  
騁驍名自可輕南仲獫狁于襄有底難

自有胷中萬甲蟠奇才非獨擅三端  
交綬但倚天威壓靡戰那知日色寒  
已使青丘綿社稷不教滄海雪  
波瀾萃山輕重公來去羊角遙瞻九萬搏

魚肝出塞渡龍灣千里旌旗蔽海關  
萬馬無聲刁斗靜三軍不動甲兵閒  
風雲爲護儲胥外鬼魅難開睨  
睨間自是鏖師誅桀黠勒銘雄業曾歸  
甲胄升陵出漢關  
猋猋選館有餘閑  
元戎尙自提刀



立醜虜何能匹馬還不戰屈人方剋敵以奇爲正即  
平蠻發縱只在睚眦裏十萬全師奉詔班

天人才地冠幽燕獨領雄兵壓海壖猛氣英風揚外  
侮神謀妙略壯中權功成只是無遺鏃威立何須始  
折綿正似齊桓能復衛九重還倚聖恩偏

東土能全一尺天聖神元帥荷陶甄封疆依舊三千  
里廟社重新二百年漢日却看明宇宙海波猶喜滌  
腥膻速飛假翼非無地從此蒼生可息肩

聖波偏渥海東邊白骨豐肌孰使然有國無之功不  
細殆天授也事堪傳元戎師律先人勇外服那基續



命年願把清風頌明德一篇江漢入聲絃

救國無如不控弦勢禁形格是兵權魚腸馬血吹晴  
雪鶴膝犀渠映碧天蚤識衛青開幕府又看充國服  
先零善容執律從今始千古威名白日懸

人貌英名自可傳山河秀氣盛才賢義驅今古難居  
右相出風塵莫與先黑首公卿方赫舄白眉兄弟獨  
聯翩南宮壁上功臣像子孟猶能老趙前

自古王師出萬全用兵宜若刺蜚然看公節事定傾  
井校戰玉堂金櫃篇浩蕩浚謀江海動巉巖軼氣雪  
霜經草塢縱是無松栢如我甘心願執鞭



方神護野擁戎旂岳鎮川渟列控弦漢鼓雷門驚白  
日秦車暢轂撼青天靡旌劇壘壯圖奮折馘報俘香  
餌懸撚爲中堅多勝全指揮戎虜坐瓊筵

縱金歎玉塞風颭貝冑將軍下紫霄廟筌合謀遺戰  
伐兵圖繕怒應招搖西吞唐帝分基地東蹴秦皇送  
日橋可使越裳重譯至宜洲餘孽詎能饒

天子元戎夜渡遼威聲先懾日東祆虎皮蒙馬驕猶  
怒鵠血調弓勁不弔禍轉亡胡氛侵霽時丁復國福  
星昭滅佚不救齊桓恥所以明公受詔遙

出車端爲掃氛祆驚擊先高不自饒元師獨專周討



伐將軍兼頌霍嫖姚  
角聲刮日天傾側  
鈔氣衝星月動搖  
留作涼州太平曲  
春風都入去思謠

鞍馬頻年髀肉銷  
知公靡盬聖明朝  
眼看參伐輪三令  
手把陰符戍六條  
已是揮戈清日域  
曾將揮羽破天驕  
漢家衛霍周方召  
不獨功高韻亦超

少年投筆笑班超  
宗慤長風破浪遙  
頭上將星明靜夜  
掌中卿月耀層霄  
指揮天地山河動  
驅駕風雲草木搖  
緩帶輕裘羊叔子  
峴巖三尺可能描

鶴野鵬風獵畫旂幽  
都唐雪映前茅龍  
蛇起陸狐狸扶劔  
戟連山魍魎捎東上  
大魚纔觸網南飛  
窮鳥各



安巢誰將健筆能模寫纔作唐家鼓吹饒

揭旗扛鼎闢如燼得見神兵斬怒蛟征討吳人由苻  
會驅令楚子貢苞茅中天日月清光動左海山川喜  
色交伐叛救殘今有截子遺猶與衆同胞

蓋世奇才命代豪丹田深蘊太公韜雄圖不落屠龍  
技壯志寧饒汗馬勞報國心肝懸日月濟川舟楫試  
風濤愈頭肯倩陳琳手檄筆猶能掣巨鼉

太白金精射孟勞剛風吹動錦征袍身騎西極騰驤  
馬手格東溟罌鼉氣駕雲長雄自負心輕去病戰  
能鏖較除俠骨香千古遊刃平吳一著高



鳳穴曾生五色毛  
禽中一鷄敢言豪  
翱翔千仞青雲  
濶橫截三清白  
日高不放西溟樓  
若木欲從東海啄  
蟠桃國人共識乘風質  
未是爰居饗大牢

三軍共醉一單醪  
爭道元侯德宇高  
野宿貔貅塵不  
動令嚴鍾鼓鬼難逃  
黑霧枯骨飛春雨  
威淨妖氛卷  
海濤莫道支祈猶未鎖  
蓬萊織女望旌旄

齊州不改舊山河  
收復功歸馬伏波  
膚釜摠垂天子  
指神謀偏出相公多  
穴城據社無餘兌  
覓路知泉有  
駱駝表裏經綸猶  
晉故都將物色入吟哦

默祀犀甲擁雕戈  
飲馬龍河水不波  
日貫白虹天亦



怒城沉黑霧鬼應訶三軍直搗臨齊壘四面還愁聽  
楚歌未斬名王持纛只今遺恨欲如何

肉如陵處酒如河政是中軍奏凱歌今日鴈門逢李  
牧他年碣石憶廉頗旄頭光閃天空淨盡角聲間夜  
色和味得伐柯喧萬口祝公眉壽永無他

千古兵威壯孰加崩騰裂鼓走雷車城西積甲齊熊  
耳陳處張旗卓虎牙試繳大風除獬獫纔彈青兕縛  
蛟蛇文身只合終身創革面應知不亂華

志欲吞吳拜怒蛙凶奴未滅肯言家久淹晉士無歌  
麥徃代齊軍有及瓜走魅奔魑空鬼窟揚塵掘塚盡



龍沙東漸西被皇風暢會見蠻王戰手義

干戈哀掘替林鴉軍令分明肅不譁  
蠟炬夜垂黃道日虹旗朝散赤城霞  
金精閭墮沉秋色玉釧雄鳴舞雪花  
却溷天人來海國歌三何以慰皇華

星弧手自射天狼足蹋脩鯢蹴海長  
爽氣挾秋春淅瀝威稜霽日月光芒  
揄揚大武知無敵戎得佳兵戰不祥  
戲下飽聞元凱癖殘膏剩腹亦文章

漢家司馬晉龍驤報國垂名百戰場  
文武可能爲柱石山河不用壯金湯  
鏐膏梟獍黃沙遠刃血鱣鯢碧海  
長西磧東壩隨指顧古人無那與爭光



大度沉澹海不量五常人服白眉長櫟樟出壑千尋  
榦駉駉追風萬里驤阮氏酒澆胷礪磊高公骨表氣  
昂藏向來褒鄂真兒戲無術還應少霍光

蓬矢棄弧志四方男兒膂力況方強爪牙王室雄罷  
虎保障江淮屹棟樑蹋碎賀蘭山上石折殘陽谷海  
中桑景宗競病非奇句橫槩爲章溢錦囊

白鹿青牛老不僵寧辭剪代覆文章鐵根拔地遙蟠  
石黛色攬春迴得霜最覺萬牛回首重須看一骨倚  
天長大才莫道難爲用撐柱明堂亦孔良

躍冶精金百鍊鋼不逢歐子卽干將拂鍾轉覺光通



瑩切玉方看刃未傷虎氣衝天明瑞色龍身隱匣吐  
鎡光欲知此劍鋒周宋護衛鉤陳萬古長

從古兵權作主盟館諳奇正轉相生抗旌檄挾收西  
夏仗鉞徜徉過北平共賀皇威清四域還蒙帝力復  
三京楚兵徼福齊俠惠敵衛猶存舊燼萌

出師剛倚大人貞九伐天威懾海城不假鷹鷂逐鳥  
雀選將熒惑掃攬槍風雲助勢驅胡騎草木生情作  
晉兵鄴下却輕光弼戰不遺餘力未爲名

黑稍將軍一鳥輕平陰之役獨先鳴風雲關塞三千  
里龍虎旌旛十萬兵地道未應勤訶夜雲梯無取設



攻城鴻毛快炳洪爐火怒臂螳螂不敢撓

男兒自是重橫行况佩牙璋位上卿七尺身爲天子  
釗三千里作聖人城奉揚靈命令無敵薄伐克徒古  
有征竹帛垂名當靜勝此行能善搏牛蝱

萬里鯨風送旆旌千羣鐵騎過龍城山川積雨洗腥  
血星斗晴光開夜明自有神威奔鬼怪何須漢甲逼  
胡兵泮冰解尾知蕭潰不用分弓夜斫營

爭掃氛埃地廓清九天雲獻舊三晶將軍辨此才雄  
武皇帝從前德聖明漢卒未應沉楚水趙人猶幸出  
秦坑運經百六還開秦黥域寧憂觸駭鯨



人傑應復占地靈幽燕自古盛儀形北風爽氣隨和  
氣東望文星避將星身是卿材輸舊楚器如霜刃發  
新礪拓邊却敵俱餘力勝筌元從得鯉庭

東下新兵若建旆龍山絡野掣雷霆風翻海日靈旗  
動血染秋蓮寶釧腥只使三邊分漢塞惟將一箭落  
胡星約濟絕幕徒深八却笑剛車漢衛青

七德能全武有經過鬻元甘藉王靈運籌帷幄酬三  
略鉢路山川勒五丁麗句不嫌天下白高才肯數淘  
東青聖知戎得兵猶火收取身名謝鼎銘

周旋無不奉朝廷合變權謀覺有靈斷送威風吹碧



海扶持俠氣握青萍天垂伏轡妖星動野戰羣龍白日腥縹馬扶桑方始愜三山鼉背眼中青

少學飛揚尚父鷹致身俠伯最先登龍騰西海來神駿鯤化南溟起大鵬氣吐雙蛟三尺劍心清萬壑一條冰蠻夷若欲知名姓雄八九軍公獨能

一鼓無前萬馬騰健兒前後壯超乘班衣自可遺巾幘長戟何煩對棘矜乳贖爭相輸氣勢妖狐不敢近威稜始知節制桓文地天下安危攘臂仍

雷擊風摧莫我承孽狐妖兇競分崩一鳴氣烈三軍壯萬敵兵威百戰勝龍尾截雲金瑣瑣馬蹄衝雪玉



層層若將桂海狼烟絕不使單于向白登

收取東藩數百州驅除妖孽海南頭扶公兵甲旌旗  
力雪我君臣父子羞德與華山終古峻恩從漢水至  
今流蓬萊石作甕龍字浩劫浮雲護十洲

飛渡冰河不用舟前驅白旆尚悠悠一邊滄海吹旗  
脚萬疊青山入劔頭瓦振武安寒月黑沙崩鉅鹿暮  
天愁勢成破砦平胡虜已見三都殺氣收

方叔何曾薦壯猷如公當向古人求少年勲業歲盟  
府異地山川八戍樓永蹴南臺摧鐵幕欲回東國合  
金甌郵支首落陳湯手尚欲論功得漢侯



星帳牙旗得上流，半空烏兔避戈矛。  
二年軍旅三邊靜，一捷功名萬古遒。  
戀關北看西日落，懸旌東盡白雲悠。  
馬蹄半踏新羅地方信，茲行亦遠遊。

腹篋兵家五十流，山稽風后獻訐謀。  
中霄撫劍星辰變，白日談兵鬼魅愁。  
天入漢關飛紫氣，地經秦塞獵青油。  
高門廝養皆才俊，碧沼紅蓮古莫儔。

三捷奇功應睿謀，鸛鵲軍裏雜貔貅。  
陣回白馬威靈覆，劍拂青蛇氣色秋。  
漢爵久應封萬戶，隋官何止作千牛。  
策勳中律編禪事，武庫彤弓此可酬。

鰲海風烟入壯吟，鈞頭霜月照清襟。  
旌旗影動星光



碎鼓角聲寒夜氣沉羌笛不愁邊地夢梅花猶作故  
園心西歸政逐東風去我欲從公托好音

戰士三千盡百金四圍矛戟列森森風雲有氣軍容  
壯刁斗無聲月色淡南海明珠當使貢西焦浮玉可  
輸琛用賢無敵長城壯天子憑公作鈞鐔

燕領龍姿虎視耽文能拊眾武能戡身爲國賢名逾  
重戰跡天威殺不貪萬戶封侯猶上相一家能子是  
奇男可憐忠孝俱雙美德爵應須待齒三

蓋世勲名少紫髯處功猶自意謙謙威聲遠懾穿金  
塞兵略淡機妙玉鈴天合黑雲排鐵馬地開晴雪映



銀蟾長風萬里揚歸旆鴨水燕山氣象兼

帝念吾王感至誠故教鈇鉞下東嶼金戈歟霍排三  
陣鐵馬憑陵重兩衛已見黃塵清羽扇不煩滄海駕  
風帆曇花一現鴻泥隔猶想神情聖不凡

重經 健元陵

弓劍何年落鼎湖寒雲愁色滿山隅周家日月餘王  
迹漢主山河挾霸圖誰見玉衣晨自舉尚思金尺愛  
曾符 聖朝肝蠶著香典幾許微臣立暝途

裕陵

寂寂玄閭草樹深苔移玉座素塵侵雲霞有色蒼山



老環珮無聲白日陰長紫金麟餘禁掖昭陵鐵馬礙  
空林德馨不餒那家典千古徽音在所欽

奉贈崔備郎睨巡視三道舟師二首

習聞直指出西關又見南征據馬鞍從事獨賢強臂  
力忠臣叱馭壯心肝色飛旌旆風聲肅威壓樓船海  
氣寒試向沒雲臺上望波中馬島眇彈丸

漢家長技倚舟師談笑懷堪制島夷無恃不來兵法  
得有能先事廟謨為鯨鯢帖息樓船閣虎豹閒眠鼓  
角校拂劍送君歌一曲壯心飛動海天涯

送金使君赴德川二首



相門才子壯元郎三十貂蟬荷寵光分九重憂方歷  
試亞千石秩亦惟良潁川集鳳知黃霸合浦還珠見  
孟嘗自是西關多勝絕風烟應是困奚囊

專城三十最青春況是蜚英一角麟相國文章傳世  
葉使君聲譽聳朝紳三刀側畔青鸞舞五馬前頭白  
鹿馴半世送人頻作宰秘書依舊鬢如銀

以假吏郎閱月奔忙戲題

錦帳郎官縱假名廿年出入亦爲榮通符且替金章  
佩省記休言玉手擎政院小胥還自重天官老吏最  
相輕路人笑我雙星鬢短僕龍駑日日行



漫興奉呈鄭公子虛求和

庭花受日影重重坐對真成晚興濃  
擺撥無端憎啁雀經營多事惜遊蜂  
撲衣却勝梅粧額鋪地堪憐錦帖  
曾報答春光如得酒不妨魚鳳且烹龍

喜雨

方春淑氣政氤氲一雨能令萬人欣  
潤物無聲寧破塊垂天有色喜同雲  
發生需澤霑真宰時若休徵賀聖君  
可是商霖須傳說三農從此樂耕耘

醉次鄭子虛弄脉韻

衆綠成陰重復重雨餘山色更添濃  
人間只得愛爲



蝶花盡還嫌飯作蜂已是陸沉屯骨相可能天借豁  
心膏縱然却幸遭昭代堪笑諸梁好盡龍

寄上天朝楊御史

錫

驄馬牙璋出帝庭掃空蛟螭滌臙腥即看南海標銅  
柱已遣燕山勒石銘偉烈輝煌垂竹帛英姿颯爽入  
丹青狄祠並義藥公社留與東民仰典刑

醉席眎李子敏

兩後園林景氣醒夕來山翠入窓櫺一尊耐可酬談  
笑百歲無如養性靈但見窮愁生白髮誰知肝膽倚  
青萍歸田未泐封侯晚莫遣松根長茯苓



送荔窓朴叔夜以元戎赴咸鏡南道三首

男兒恥作一書生獨擁邊頭十萬兵  
文字不堪雄事業弓刀自可樹功名  
久聞宗慤曾投筆却笑終軍但請纓  
試向宣春看片石尹公寧得擅豪英

三尺龍刀七尺身欲將談笑靜胡塵  
大荒波帖鯨鯢炬長白雲空虎豹屯  
霜捲虹旗榆塞夜風清盡閣戍樓春  
秋來蚤見南歸鴈莫惜音書問老人

鴨綠江流出白頭上游形勢壯咽喉  
一邊高枕長城在萬里雄風殺氣收  
推轂鑿門紆紫綬投壺散帙坐青油  
金星不動銅鑪卧要識元戎善伐謀



追次李子敏韻二首

霽後林園暮靄深天邊暝色近青岑此時促膝聊開口永夕軒眉共賞心千里勝遊愁外夢百年佳會醉中吟陞沉聚散元無定得適休教俗慮侵

詩法商君律刻深詞壇緩步倒高岑吐吞五岳三江氣擺闔千秋萬古心醉興自拚青海舞艱愁安用白頭吟向來毀譽蚊蟲過塵世雌黃苦莫侵

賦得七言近體眎東岳求和二首

習家池上辟疆園枕帶南山特地尊三逕不須來二仲一軒猶有命朋樽庭除樹密風生席牆角天低月



八門更待夜淡留客醉寢郎聯袂老王孫  
洛陽多少舊名園第一君家僻處尊碧樹濃陰垂盡  
閣青山霽色蘸芳樽箕裘共識文章伯閎閎曾歸相  
國門應笑老夫長抹搯何言布帛入胡孫

月汀相公壽席追賦七言近體

高年望八秩臨台天與人間五福該驥子騰驤知汗  
血桐孫羅列見琴材麻姑報道海三淺王母提携桃  
七枚更祝康強永難老壽星長照壽辰盃

雨中有懷芝峰詞伯

伏雨長安十日泥那堪委巷隔輪蹄回舟不學王尋



戴命駕多慙呂慕嵇雲黑莫看高鳥過城陰更聽晚  
鴉啼不成良覲緣何事咫尺南山望欲迷

次石台沈一松韻

相公年德壓羣英豈但吾儕事以兄力代天工身變  
理詩全物色筆兼并謝安欲遂東山志裴度猶含綠  
野情聖主未應容釋負願聞終始活蒼生

月課二首

妙製曾從篋箒傳蒲葵紈素謝團圓秦仙墮羽分青  
鶴漢女裁雲疊白蓮但使指揮終在我休論用舍夏  
關天想當談笑祈山下萬里雄風八陣前

右白羽扇



剩水殘山別葉成雲門風磴最闕情飲餘河朔炎天  
醉卧愛桃笙特地清鳳節近身涼露濕龍文觸目晚  
風生思量一味心神醒不用披雲上玉京

右酒醒思  
卧筆

奉送李知事

尚毅

以冬至賀使氣奏請王世

子晃服赴燕都二首

執壤朝天四海同一封書請獨吾東為緣國本安磐  
石必待身章出帝宮專對曾須當代彥誦詩誰是古  
人風定知枚卜材無望不在諸賢只在公

火星西落已高秋直泛仙槎犯斗牛遼塞蚤寒邊草  
折薊門遙望暮雲愁歌悲易水人何在臺廢黃金客



倦遊爲問鳳翔周十鼓摩挲石刻可能求

奉送芝峰充賀奏副使朝京十三首

三泛星槎上五天  
再行爲价一爲專  
文章世已爭相  
下德業人皆莫或先  
不憚嚴程長  
黽勉獨賢從事最  
聯翩山川盡是曾  
遊地依舊風烟滿目前  
萬國朝宗玉帛將  
太平天子坐明堂  
衣裳繪畫唐王  
會物土委輸周  
職方日轉形  
埽仙仗影風飄紫殿御  
爐香鳳儀歎舞虞庭樂  
陰管仍知發一陽

紫皇天闕九門深  
虎豹當前白日臨  
欲識寵章紆鶴  
禁要者法服下鯁岑  
百年社稷三宮慶  
一國謳謠萬



姓心使者只傳殊錫命重光重潤古猶今

東觀使節上青霄拭玉金臺聽舜韶鳳曆初頒南至  
日星槎又見北之朝漢家古塞玄菟近秦帝長城碣  
石遙膂力尙強身力健茲行髀肉不妨消

啣命朝天歲幾人無人得接越裳臣況將明月驚魚  
鰲足見奇姿似鳳麟士矣四方知不辱使乎千載善  
無憐慣聞麗句傳交趾不但鷄林篋笥珍

自是詩中第一豪超羣韻格最清高秋香徹骨凝丹  
桂春色薰人醉碧桃古雅挽迴周大雅風騷挾得楚  
離騷汗牛充棟非誇鬪可與操觚丐馥膏



西秦長安路幾千披雲直到玉皇前  
定言不用憑重譯幹事何曾歎  
獨賢禹貢山川行頌略姬家禮樂奉  
周旋遲公得請歸朝日願頌清風賦一篇

當公分竹溪庭循老我江湖把釣綸  
兩地相望無百里一軒高會有三旬  
揚眉吐氣樽前醉說賦論詩席上珍  
却想舊遊殘夢裏塵中俯仰四回春

不分當時對李膺龍門倚玉忝頻登  
衰顏得酒神猶旺病骨吟詩氣益增  
已許鴛鴦蹄追翼馬何嫌鷄翼接溟鵬  
從來士矩爲知己一秦哉洋若有憑

不向炎天避鬱蒸近公清爽最凌兢  
玉壺貯得三秋



月金碗盛來萬壑冰四達臨觀輸醉倒二難談笑破  
愁凝留連日日詩筒適久客閒情去未能

生在扶桑海一垞白頭無計入幽燕自憐螻螳旋封  
垤何異鹽鷄守甕天未上金臺隨駁骨空將玉匣撫  
龍泉每看聘使朝京色恨不身先著祖鞭

不生中國已堪悲况未觀周鬢欲絲文字自知非事  
業風塵盡道是男兒側身宇宙猶匏繫舉目山河若  
管關獨有雄心老未折哀歌扣劍亦多時

如絲鴨水限封疆坐井吾生感慨長有眼不觀天下  
大將身虛老海東方馳思赤縣山河壯想像黃圖日



月光踴躋彈丸心萬里千秋却羨鴈隨陽

送趙

持世

以災傷敬差官之嶺北

嶺北提封十二州胡山長白海滄洲一邊黑水臨關  
盡萬里黃雲出塞愁推枕攬袞秋角盡登樓拂鈞夜  
旌頭遠遊自是男兒事况戎嚴程奉廟謀

風雲雷雨祭有作

半世清齋老太常年年祇事此壇場風雲雷雨山川  
祭牲幣粢盛醴齊將野宿天星垂帟幕秋波露草濕  
寒蟬羣神肸蠃咸來假禮罷焚香夜未央

次李子敏韻寄洪輝世



不是懷歸畏簡書  
飲冰行李爲巾車  
心雄殉國先投袂  
戀割離親恟絕裾  
聘魯觀周同季札  
使秦言晉異由余  
看君寶劍腰間在  
欲向何人許作徐

奉呈芝峰

剛喜王程卜後庚  
欲從懸榻話離情  
敢題凡鳥嵇生出  
不見猶龍老子迎  
雨沐青山秋色淨  
風收翠柳暮烟輕  
懶回鞭轡歸來晚  
何似扁舟訪戴行

在通津老吏吳濱家  
見壁上有郭詵詩仍用其

韻書壁上時以監刈官來

亂山秋色入簷楹  
牆外田開上下平  
渡海塞鴻元有



信投林夕鳥又何情  
宦遊久被間人笑  
樵役還看老吏迎  
幸是今宵三五近  
雨餘蟾魄透窓明

遣懷

獨坐幽懷不自聊  
小園風葉聽蕭騷  
懶憑烏几看黃卷  
強把青銅照白毛  
心倦旅遊寧得取  
身供國事莫辭勞  
惟應踏遍羣峰頂  
伐取條枚載幾艘

訪問伯春田家

涉澤披榛一逕微  
根山古屋望依依  
田疇接野稻梁足  
江浦連村魚蟹肥  
鷄黍旋供留倦客  
盃盤更進送斜暉  
馬頭炬火燃如畫  
不覺歸來露滿衣



遣懷

太白豈知無媚骨  
審言自負有奇才  
功名落拓猶如  
此造物主張安在哉  
萬古文章身後事  
百年懽樂眼前  
盃回頭却笑爭  
蝸角逼與盧敖出  
九垓

暮意

日日江頭送落暉  
雲山相望兩依依  
百年劍老空鳴匣  
九月天寒未授衣  
身似塞鴻猶獨叫  
心如秋鶻欲雄飛  
枕邊不作懷人夢  
半爲風潮捲地歸

重訪李僉知坐槐亭

一秋難得兩重陽  
昨日登高又此觴  
但使菊花黃似



纈何嫌蓬鬢白  
拈霜歸鴻獨叫  
青天濶別鶴遙  
飛碧海長  
昭悵客懷孤迥  
處豈知紅粉儼  
成行

九月十三日

夜聽歸潮落  
大江  
朝看  
出日射虛窓  
撥愁莫厭深杯  
百吐氣猶憑老  
釧雙但取忘身  
終報國休言懷  
寶久迷那天翁  
爲我賒光景  
筆力何嫌九鼎  
扛

以封彌官入一所戶曹與膳錄官同處時楊傳

士

時晉

亦以枝同官八以三題來請蓋月課也

驚嶺蟾宮九萬遙  
誰將桂子此中飄  
星娥不惜輕披  
拂露兒那知自  
動搖天許異香  
來靜域人看仙  
實落



層霄結隣無乃工鑽核不欲塵間種作條

右桂子月中落

萬頃平湖似蜀羅鏡中相映幾株荷含風翠蓋輕搖

日泣雨紅粧細蘸波天為清香隨地滿人憐嬌艷蕩

舟多誰能借我西州畫願把新詩入棹歌

右十里荷花

洞庭湖濶碧連天更得清秋月色鮮共泛仙舟歌白

苧獨披宮錦老青蓮高詞又繼詩三百美酒寧論斗

十千醉後尚思西向笑不知身在楚雲邊

右符船買醉白雲邊

試院偶賦奉昧諸君三首

清晨萬慮倚岑樓觸目年華謾作愁霜重敗荷沉淺  
水風高衰柳墮殘秋此時塵土頻捫蝨何日江湖更



狎鷗賴有忘形知已在寧憂按劍夜光投  
可是元龍百尺樓倚欄還起宋生愁側身宇宙裴蓬  
日蒲目江山搖落秋蝸角戰酣看衆螳烏叟睡美逐  
雙鷗此中豈合閒忙較却憶詞場勇石投  
筋力非閑試上樓梯空陟降更堪愁蛟龍釣老軒騰  
氣鴻鴈聲寒斷送秋別恨不饒絃上鶴閑情却羨水  
中鷗賞音賴得披雲霧佳句頻蒙札翰投

在試院奉示後湖二首

廣張天網獵羣賢戰藝詞場較後先一鼓氣盈爭賈  
勇千軍筆掃孰摧堅腐毫倚馬才難並貫蠶屠牛業



在專莫遣卞和三別足遺珠滄海最堪憐  
白戰文場鬪雋賢舟中掬指渡爭先一揮作檄方知  
捷百發穿楊不憚堅射虎只應才漢李劈魚還是勇  
吳專暮歸喜獵非無意老氣摧頽獨自憐

奉贈楊子昇

男兒傾蓋復忘形頭白何嫌眼更青可愛楊雲今識  
字堪憐武子舊囊螢朱絃自歎琴藏匣紫氣誰知劍  
射星莫怪范如墮殷霧從前入室襲蘭馨

次韻贈成則優二首

秦餘人物似臞仙古道雖迷不欲傳福地有心安釣



等畏途無意觸牙絃守玄自覺機全息生白何嫌室  
倒懸者取此翁全至樂琴歌度日酒為年

一壑藏名愛覺仙此中巡賞共誰傳詩如有助方揮  
筆琴倒無心不用絃人是陳登樓好卧客非徐孺榻  
應懸江風山月皆吾適耐可逍遙竟歲年

奉贈鄭子虛重赴吉城

北塞分憂幾畫熊此行端為簡宸衷楊州再赴非何  
遜穎邑重臨即次公元帥臺前滄海濶磨天嶺外白  
山雄雕題已刮羌童在莫把新勲讓舊功

賦松園奉月沙相公



誰輟松香雜蜜脾成團作味費營爲屑金片片鳩疑  
吐散菊斑斑蝶不知凝結來從花上露分明出自歲  
寒枝兩師食葉猶仙化況此英華可撥衰

鄭參判 勸

相門才子趾家榮拖紫紆金次月卿半百解龜歸海  
崖三千化鶴返遼城空餘蒼叢傳文字無復星辰聽  
履聲有箇賢郎一非少眼前曾見蚤蜚英

奉寄任參奉 允

遜臭多慙數寄書每當烹鯉感何如識名草木言詩  
淺作註蟲魚爾雅疎千里神交猶莫逆片言道合卽



相拄只憐老去才全退無復齊諧誌巨魚

寄邊衣

月課

榆關昨夜鴈初飛萬里征夫猶未歸  
試把剪刀裁好綫欲憑邊使寄寒衣  
機中久擬纔成匹塞外寧知未解圍  
長短稱身唯著意慇懃報道莫相違

歸及春風斬釣竿

月課

當時手種碧琅玕爲愛貞枝壓歲寒  
練實會看威鳳食深根却許老龍蟠  
渭川不用封千戶浣水寧須斬萬竿  
直待三春搜籜簞可能垂釣太公磻

韓

敏政

見過



潦倒誰憐老太常故人相對又斜陽滿城花柳青春  
盡過眼悲懽白髮長子敬箕裘今墨妙次公談笑舊  
醒狂石峰冥漠寧馨在此夕何辭酒十觴

贈冬至書狀官權公

盡已二首

萬曆龍飛四十春今年南至又佳辰九州玉帛朝宗  
遠百辟衣冠蹈舞均宮扇日明擎孔雀御爐香轉出  
麒麟想應額揚彤墀處記得句天樂廣陳

墮地男兒志四方經營膂力況剛強欲知上國雄天  
下須入長安近日光禹貢山川橫地理周家禮樂威  
文章請君著地頻揮筆收拾風煙誇故鄉



奉送太常直長李思彥

尚飯

以點馬如龍灣

萬里行裝一鈞心嚴程莫惜馬駸駸天開鴨水分夷  
夏地壯龍灣鎮古今聚勝夜淡珠翠雜統軍秋迴玉  
繩侵憑君喚起從前興奈此飛蓬雪不禁

醉席重贈李公

尚飯

九載重遊又四秋碧雲迢遞思悠悠天邊絕域三韓  
盡城下長江萬古流海月吐山貪命酒塞風吹雪恟  
登樓只今往事空回夢強把新詩賦舊愁

送宋德甫赴任海州

廿四州中海最雄惟良千石簡宸衷近民政簡先流



化報國心長合盡忠鏡落芙蓉虛夜月城餘孤竹想  
清風可能此地徵文獻景仰前賢跡未空

太常心齋

頭銜莫道太常寒猶奉馨香作祀官問事幾回趨玉  
殿執籥依舊拜瑤壇最知肸蠁神如在但用虔誠禮  
不刊周澤清齋人共笑卅年贏得鬢毛殘

送趙公

續韓

赴靈光郡

仙郎出宰佩銅章五馬湖南道路長舞閣青鸞來赤  
綬隨車白鹿到黃堂聲名燁赫三珠樹詞藻輝煌一  
錦囊報政懸知期月可分憂不愧漢睢良



寔步沈相韻奉賀芝峰二首

三十三人最少郎出頭麟角嫖東方一鳴名冠新科  
白獨步才高古戰場經術肯饒劉子政聲華不讓段  
文昌復知相國垂規意不戎榮奎戎濫觴  
五色奇毛兩玉郎徐卿二子敢相方青藍蚤識能驚  
俗白戰仍看夏擅場詩禮專門三世美箕裘繼業一  
家昌作歌欲和將離曲恨不當筵勸祝觴

別崔員外

英里

赴海西參佐

錦帳卽星轍白雲參卽遙赴海西濱清詩定得江山  
助婉畫將輸玉石分此日崔羣初去國當時王粲亦



從軍行塵悵望秋門外古木寒風已夕曛

詠靖節停雲詩爲賦所懷奉呈芝峰二首

一代高才不數人新詩誰與謫仙親  
松凋獨後千山雪梅放宜先萬木春  
肯遣風塵能到骨方知造化是傳神  
老夫得御具堪幸徒躡清芬每自珍

半世相知有幾人獨將長劍托交親  
形骸放浪盃中物氣色敷腴座上春  
綠髓仙姿元有種白頭詩興不無神  
頻蒙見眎驪龍領藏去猶應什襲珍

童子開門雪滿松

月課

寒齋寂寞坐高春銷盡爐香到曉鍾  
試遣小童排暗



戶閒看積雪壓層松青蔥偃蓋銀爲鵲錯落長身玉  
作龍開土此時難入夢帝城無耐憶西峰



五山集卷之二







